



世界盃足球比賽

四年一擺个世界盃足球比賽從今年六月中起勢在俄羅斯舉行，來自三十二隻國家个代表隊先分做八組進行小組比賽。逐組積分較高个前兩名做得入十六強，用一對一个方式來比輸贏，贏个入八強、輸个攞包袱。再過經過八強戰、四強戰，一直到七月中个季軍戰攞最尾个冠軍戰煞，比賽前前後後有六十四場，進行一隻月久。從比賽期間大家關心个程度來睇，足球定著係全世界推行最成功个運動之一。逐場比賽除忒現場坐湊湊个觀眾以外，同時，各比賽國家个民眾攞世界各地所有關心比賽个人也會利用電視、網路來睇比賽，有兜國家个領導人還訂工去到現場攞自家个國家隊加油。各參賽國會恁重視比賽，當然係希望國家隊做得比出好成績，最好一路贏到底，攞「大力神盃」兜轉自家个國家。

毋過，比賽總係有輸有贏，大家就想贏，該哪儕會想輸呢？所以，從爭取世界盃足球比賽个資格賽開始，各國為著愛贏球，絕對係想盡各種辦法來做準備，等球員上場後，也係全心全力來為國家个光榮打拚。參加世界盃足球比賽个三十二隻國家通盤係各地區个贏隊，集合起來比賽个時節，過程當然非常精彩，尤其係十六強以後个比賽，還較緊張！逐場定著愛分出輸贏，係九十分鐘个正式比賽打平，就愛加三十分鐘个延長比賽，係延長比賽又打平，該斯愛進行十二碼个踢球射門比賽，各隊派出五儕，哪隊踢入个球數較多就贏。踢球該時，莫講球員，連睇球个人心臟強強就會佇毋著咧！球踢出後，係自家个國家入球，愛國觀眾黏時歡歡喜喜，暢到耐毋得；係無人，愛國觀眾就道嘆連連，艱苦到無法度。比賽煞，贏球个球員暢到會跳天，輸个隊，球員怙怙、頭犁犁，含等目汁，兩片个心情正經安到「天差地遠」。

世界盃足球比賽從 1930 年个第一屆起勢到今，做得提著金盃个國家毋係歐洲就係南美个。這係因為歐美國家早就有爽足球个傳統，既經培養出大量个運動人口，盡多球員從細爽足球到大，自然有盡多實力好个選手做得參加國家隊。足球係十分需要分工合作个運動，愛前鋒、中場、後衛攞掌球門員同心協力，共同來執行教練个戰術，球隊正有贏个機會，無可能單淨俾靠幾隻大腳士就想得著好名次。

世界盃足球比賽个期間，所有參賽國家个民眾大體都非常關心比賽。雖然臺灣毋係參賽國，毋過，也有珍著世界盃个時行，電視、網路、報紙等媒體隨時就有報告，關心比賽个人也毋會少，朋友見面總係會講兜足球比賽个消息，大家个生活加添異多趣味。一隻月个世界盃足球比賽結束咧，但係對全世界个影響絕對毋止一隻月定定。

作者：林伯殷

☆詞彙學習☆

- | | |
|--|---|
| 【俄羅斯】ngo lo siiː 指「俄羅斯」，亦稱「俄羅」。 | 【大力神盃】taiˊ lid shin buiˊ：世足賽的冠軍獎盃，又稱「金盃」。 |
| 【攞包袱】kuanˊ bauˊ fug：原為提行囊之意，在此引申為打道回府。 | 【跳天】tiau tienˊ：受刺激後跳起來。 |
| 【湊湊个】nemˊ nemˊ gaiˊ：滿滿的。 | 【俾靠】vaˊ koˊ：依靠。 |
| 【訂工】dangˊ gungˊ：專程。 | 【大腳士】taiˊ giogˊ siiˊ：要角、重要的人物。 |
| | 【加添】gaˊ tiamˊ：增加。 |